

# Bájkkeavijssa NuorttaSálto

## Julevsáme nuora:

Tæksta/Gává:  
Maria Mikkelsen

# - DárbaHIP ienep diedoijt

Ienep diedo ja stipenda li dárbo ma julevsáme nuora ávdástin mávtástuhtteseminárran Bådádjon ávdep ájllega.

Nuora viertti mávtástuhtteduvvat juo nuorajskávlá rájes, ja ienep diedoijt vejulasjuodaj birra oadtjot. Oajválattja bierru stipendajst lasedit, ja julevsámeigiella alep dássen bierru állésájgeáhpadasán liehket. Dá li muhtem oajvvadásá nuorajst gudi lidjin Nordlándá Fylkkamánne ja DSJ:a mávtástuhttemseminárra ávdep ájllega tjáhkanam. Seminárra ulmme lij mávtástuhttet julevsáme nuorajst alep áhpav gadsat. Lagábut 30 nuora Bådádjoj tjáhkanin bierjedagás sádnábæjvváj, lågádallamijst gulldalittjat, workshopajn barggat ja hávsskudalittjat.

### Bargos áhpaj

- Buorre I gá tjáhkanip dán láhkáj, vaj bessap aktan árrat ja aktan mierredit majt sihtap ja majt dárbaHIP, javllá oassálasste Jørn-Robert Knutsen (21) Divtasvuonas. Jørn Robert le vargga gálmá jage mánnagárden barggam, valla sihtá aledit ietjas skávlámáhtudagáv. Suv mielas ij la dat nav álkke.

- Mujna I barggo, mujna I ládna, mån lav juo vielgijst oadtjum. Ja danen iv máhte gallegasj tuvsánij mánnuj skávlájt vádtset, gá galgav lánajst mákset ja viessot. Danen lip mij bádtjim fylkkamánne at gæhttjá jus le vejulasj barggosadajst áhpádimev ja skávláv mákset. De lidjiv gájt mån nahkat. Ietján ij dáhkki.

- *Le gus seminárra mávtástuhttam div alep áhpadasáv gadsat?*

- Viehkken le diedon læhkám. Valla fylkkamánne viertti loagget juojnak,



duolla dagu stipendajn – siján gænna I ruhtavánesvuohta e nagá skávlájt tjadádit.

### Ádáájggásasj oahppamvuohe

Guovtegielakvuohta ja giellasjtoadibme aj seminárran tjalmostuváj. Akta lågádallijs lij gæla Brian O'hEadhra Skottlándas, gut giehtoj ietjálágásj giellaoahppavuohe birra majna li Skottlándan ja Walesan vuorbástuvvam Dát vuohe gæhtjoduvvá Ulpan-vuohe, ja álgaduváj Israelan 50-lågon, gá oajválattja danna sihtin ulmuttjida oahppat hebreá gielav nav ruvva gá máhttelis.

-Ulpan-vuohe ij grammatihkajt berusta.



Kursan li dássju njálmálasj hárrjiddallama ja stáhkusa, ságastallama ja vehi sijddabargos. Tjadáduvva gálmme vahkkuj, 210 bále, subtsas O'hEadra.

### Dudálasj fylkkamánne

Fylkkamánne I oadtjum ávdásvásstádusáv julevsáme áhpadasá ávdás Vuonan, ja seminárra lij oasse dan bargos. Kevin Johansen fylkkamánne lej dudálasj.

- Muv mielas le læhkám viehka buorre seminárra, nuorajst ájádusá ja berustibme le alvadahte, javllá Johansen.

- Lip oadtjum moadda oajvvadásá majt mij oajválattja máhttep dahkat váj sáme nuora galggi alep áhpav gadsat. Miellagiddis buojkulvis le majna vuogijn

målssudibme bargos áhpadasaj galggá álkkep sjaddat, javllá Johansen. Sån ájggu vuorkkit oajvvadásájt ma seminárran ávddáj báhtin, ja joarkket aktijvuodav julevsáme nuorajst mij guosská makkir dájma bierru tjadáduvvat.

- Ájggop aj gæhttjalit dáhtábásav álgadit gájka diedoj ma guosski sáme nuorajst, dagu dal stipenda-, barggo-, áhpadas- ja barggo-máhttelisvuoda hárráj, subtsas Johansen.



Jørn-Robert Knutsen

